

16

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
NOV 6 1933

T 53⁵⁰~~66~~ / 4264



Blank page with faint blue grid lines.

Blank page with a horizontal fold line.

龜山先生全集卷第四十

詩三

五言律

別游定夫

龜勉吾將仕謀身力已分
漆雕慙未信子夏又離羣
慘淡交情重間閔道踈勤
至言空遠寄孤陋願頻聞
過金山

深望荆吾折清江日夜流
飛騰潮汐浪漂泊利名舟
山湧鰲番出樓噓蜃氣浮
僧窓千古意出沒看輕漚
枕上

哈佛大學漢和
圖書館珍藏印

小智好自私小德常自足
自私開人賊自足心有目
瑕瑜不相掩君子比良玉
默默枕上思戒之在深篤
雨寒

天幕陰雲積蕭蕭雨正靈
泥污關市寂水入御溝深
破屋寒侵骨哀絃凍絕音
更愁風力健瘦怯不能禁

歸雁

天末驚風急江湖夜思長
悲鳴愁絕塞接翼冒清霜
澤岸多縉弋雲間乏稻梁
茫然栖息地飲啄歆何傷

感事

世事浮雲薄勞生一夢長
散材依櫟社幽意慕豪梁

風激鷹鷂迅霜殘草木衰
投閑如月約早晚問耕

過關山

牢落關山踞年來倦往還
長隨流梗泛有愧白雲閑
親遠江天外魂勞夢想間
泫然遊子淚挹盡復沈瀾

又

歲律行將暮颼風凌九坂
山深人寂寞踞遠馬虺隤
幽意泛誰展愁懷殢酒開
衰遲仍惜日投晚獨徘徊

晚泊遇雪

向曉驚風急飄零雪滿垆
氣升雲幕天遠月冥冥
寒色終無賴豐年謾寄聲
舖糟吾不慣殫醉復還醒

又

寒逼歸鴻急悲鳴聲更哀舞風斜翳日帶月暗欺梅
平野光初合陰雲凍不開無聊還罨酒顛倒盡餘盃
偶成

天遠何須問勞生聽若何犁鋤三畝足栖息一枝多
白雪寧堪冒清時只浪過好尋明月影醉舞自婆娑

臨川驛偶成

冉冉朝仍暮蕭條官舍幽閉門三尺雪觸物一虛舟
虫蠹生涯盡萍漂世事浮尚思方技學多病未能休

除夜感懷臨川驛

歲律已云盡思家日日深二年為客恨千里倚門心
節物羅樽俎兒童學語音眩然如在目恍惚夢難尋

又

愛日乖予願親顏長在心遠遊仍換歲華髮想盈簪
永夜誰同席殘盃憶共斟相思空有淚揮洒滿衣襟

臨川道上

風雨離山驛斷橋危欲顛去心奔逸驥行路上青天
鴈序江湖樂雲歸島嶼連悠悠遠征客千里獨茫然
旅舍書事

懶拙垂時尚支離與世殊饋漿驚御寇避席愧陽居

觸事紛難解忘形色易鋤不須修混沌機械本來無
過清溪渡

天濶江銜雨冥上客衣潭清魚可數沙晚鴈爭飛
川谷留雲氣鷓鴣傍釣磯飄零滄海客欺到一帆歸
泛江至土坊

萬頃江湖遠孤乘一葉船雁飛雲外字蓬掩水中天
波靜櫂声息風微帆影偏回環聊注目浩蕩接清烟

秋日有懷寄從弟表民 丁伯父憂

羈旅吾方困哀思汝正頌望雲愁鴈序回首憶鴿原
北圃蔬還盛東軒菊想繁飄零不相見沾灑獨忘言

和潭倅張朝請行縣言懷

夾道旌麾動陰霾萬里開霜迎威令肅春逐馬蹄來
幽壑光初滿寒葦暖自回仰窺嵩華質曾未施纖埃
又用前韻和早梅二首

楚國春歸早寒梅處、開月和清艷冷天與靚粧來
東閣詩魂動南枝歲律回蕭然冰雪態無處覓輕埃
又

星馳經行處梅花忽已開只疑春信早先擁使旂來
嫩萼紅初破寒柯綠未回凌霜半含月皎、絕纖埃

感事

邊徼無虞日王師討弗庭收功誇廟算行險毒生靈
川谷旌麾暗風塵戰血腥寂寥歸馬日目斷華陽洞

又

虎士冰河側日聞刀斗驚氣吞沙漠盡風蕩賊巢傾
關塞長年戍邊塵幾日清太平陳朽富一旅百夫耕

泗上

聞將閉
汴口

淮口平沙漲檣烏向日斜微雲變蒼狗輕浪蹙浮花
風勁回飛鴈林喧集暝鴉河流應未閉遲我到京華

又

鬢蓬凋欲盡岸憤任歌斜瘦怯重裘重慵看細字花

凍雲穿曉日晴樹繞飛鴉老大驚遲暮飄零惜歲華

又

聞道河流閉逢人每問律天高雲幕下風細水鱗下
未種江陵橘空思千里萼且邀明月伴相對解綸巾

出京

已卯歲
九月

旅泊驚為秋意塵沙變客衣明星爛河漢殘月暗簾帷
風柳斜斜轉雲帆片片飛窮愁添別病衰晚意多違

言溪早起

短日催征轡聽雞踏曉霜遠山頻入望薄酒謗搜腸
湘浦萼絲滑吳松鱸縷長何時一踈放把釣臥滄浪

漢坂舟行

曲岸通幽徑疎籬映竹斜
鳩深藏吠犬林薄露人家
石瀨魚偏美鄰村酒易賒
祗應雲水富自是一生涯

席太君挽辭二首

賢配無前古傳家有子
賢四靈來薦瑞一鷄已摩天
蒿里迷長夜悲笳慘暮烟
蕭蕭原上路猶想駕雲軒

又

稟粹猗蘭秀來嬪洛水濱
一窺識公輔三徒得儒真
畫髮流雲氣松阡卧石麟
哀榮今日事誰復繼前塵

湘君祠

烏鼠荒庭暮秋花覆短墻
蒼梧雲不斷湘水意何長
澤岸薰葭綠籬根草樹黃
蕭蕭竹間淚千古一悲傷

新湖夜行

平湖淨無瀾天容水中煥
浮舟跨雲行冉冉躡星漢
烟昏山光淡棹動林鴉散
夜深宿荒陂獨與雁為伴

哀鴻

哀鴻常苦飢悲鳴垂其翼
朔漠曉霜寒江湖晚烟暮
乾坤一網苦高飛亦何益
日暮無與群驚風暗沙磧

鄒公輓辭二首

一伏青蒲上三年瘴海濱
泉甘不出戶

公謫南方所居無水庭中

甘泉客醉豈無神公在謫所忽有醉客言公報國心長在知恩志未伸公所居堂名知恩追懷垂絕語空有淚盈

巾又

舊德今誰在雕零已不多雲天開日月陸海自風波

空嘆與齡夢難留曳杖歌生平濟川意無處問施羅

公嘗有與齡之夢

冬曉

著瓦霜華冷暝空曉霧均氣昏難見日風過易生塵

洗硯冰紋破憑爐火色春莫嫌寒尚薄雨雪更愁人

龜山先生全集卷第四十終 後學徐夢麟贊刊

龜山先生全集卷第四十一

詩四

七言律

登桐君祠堂

昔有隱者結庐於此人間其姓指桐樹示之故號桐君

霜染溪楓葉葉丹翠鱗浮動汐波閑盤盤路轉千峰

表冉冉雲扶兩腋間掠水輕鷗晴自戲凌風飛雁暮

爭還結廬姓字無人會靜對庭陰一解顏

巖松

婆婆千尺倚巖巔隱隱虬姿拂遠烟尤喜地靈泉脉

潤獨愁天濶畫陰偏孤根礙石盤彌固直榦凌霜老

益堅臃腫不須逢匠伯散材終得盡天年

和鄭商老下第

兩餘新惹一番愁展轉衾寒客思悠獻璞又添今日
恨登科空負昔人羞林泉水石君先到京國風塵我
尚留若為浮名苦憔悴前春行釣巨鰲頭

穎昌西湖泛舟

游賈丞相曲水園

扁舟乘興謾追尋踏轉河回入柳陰拂面落花春意
盡避人幽鳥野情深慚無健思供吟筆賴有寒光映
客心日暮倚風歸棹急一鉤新月掛瑤岑

春過鶯花無處尋移舟行近古城陰褰衣水上收殘

片傾耳枝間覓好音山隔曲堤迷遠近魚跳文藻亂
浮沉飄然自得江湖趣陡起歸與萬里心

送丁季深

烟含疎柳綠蒙茸杏頰桃英入眼紅解逅與君逢臘
雪飄零獨我過春風空愁轉轂音塵遠且寄離懷笑
語中後夜月明人寂々相思那復一樽同

蘄州早起

城頭雷動角声哀似共行人怨落梅欲報晨炊梁未
熟喚回殘夢眼驚開霜清暗覺貂裘冷月淡空令色
犬猜倚杖起肩風正慘紫微繚繞俯三台

合江亭晚眺

倚杖鉤簾兩水間
晴光飛影上雕欄
帆催畫鷁搏風去
雪吐銛鋒作劍攢
平野烟浮迷遠目
晚溪潮漲失前灘
騎鯨一往扶桑近
休問人間行路難

含雲晚歸寄真師

每扣禪關即晚歸
塵中回首萬緣非
不愁幻翳迷心地
且聽潮音振祖衣
歸路往來無別徑
夜光清徹有餘輝
虎溪舊社知重約
陶令如今已息機

遊玉華洞

蒼藤秀木遶空庭
疊石層巒擁畫屏
混沌鑿開幽竅遠
巨壺分破兩峰青
有雲藏野色
春長在風入
易醒採玉遺蹤
無處問擬投簪
綬學僊經

次韻思睿見寄

聖賢千古愧難攀
力學方憂救世閑
顧我久拋聲迹外
慚君猶掛齒牙間
平生拙計心長在
解帶高風志未還
捧檄于今非得已
謾勞魂夢遶溪山

次韻蔡武子書懷

放形鋤色恐成光
斲聖能令鼻不傷
自信放魚真得計
却憐挾策亦亡羊
刃投有間多餘地
語到無言輒自忘
擾擾世紛何足問
松窓終日獨徬徨

感懷寄鄉友 時在處州

漫浪人間已十年，薄書擾擾日羈纏。
朱公謾有千金壁，季子初無二頃田。
籬下蹲鴟餘晚實，雲間紫電奪新拳。
淹留寸祿空回首，一望鄉關一悵然。

贈致政楊孟堅宣德

孟堅歷三世不改官而子各有第宅故以楊陸為

子雲論薦有王音

孟堅累為連官所薦

陸賈年來老境侵，自守

一官歷三世，退令諸子分千金。平生器業成幽夢，白

首功名負壯心。賴有新詩輕萬戶，未須投綬嘆堙沉。

廣文官冷竟誰憐，空負才名四十年。

孟堅及第蕭散已四十年

欲尋濠上侶，飛揚還作酒中仙。龍章繡紱榮何在，鶴

氅綸巾靜自便。遙憶瀨溪風物好，勝遊應不愧斜川。

寄湘鄉令張世賢

身游羿彀偶相逢，安得初終若駟螭。
道學未容窺閫奧，吏師應許叩隣封。
蕭條此意君誰問，落托微官我更慵。
盧白回茲真戲事，傍觀無用氣填胸。

縣齋書事

朱顏凋盡髮鬢繁，世路低回老益慙。
偶影獨游聊自適，談書不輟竟何堪。

神爐默默金徒踊

一作天君默情何在

蝘蛭紛紛夢正酣，誤把此身櫻世網。
自纏微纒信如

蚕

次知錢帳計

駸々義馭定難羈過隙馳九日夜馳但見光陰如掣
電却尋稽覽已當暮飛黃汗血空千里秋鷄乘風此
一時芝草鳳凰真美瑞清名應有退之知

和張侔行縣

江浮疊嶽弄清輝雲外冥鴻江上歸擊目自多幽興
在揮毫時見彩牋飛應愁零雨侵星駕好為援戈却
晚暉帝室正須調鼎鼎動移寄語不須譏

公幹游光大示羣老

山橫杳靄有無中疊觀層臺一梵宮萬仞琅函方一

杜口數聲啼鳥正談空溪雲抱影侵行屐香篆飛烟
襲晚風薄宦羈人如接榻自慙來往苦匆匆

王簿清輝亭

黛染烟螺拂檻低抱城流水綠逶迤澄瀾碎影搖青
鏡斜日流蜂隱半規坐上盈樽無俗客壁間照夜有
新詩登臨已動忘歸興况復清談足解頤

寄長沙簿孫昭遠

時似不催
積欠被劾

陽城哀晚拙催科闔寢空慙罪亦多祭竈請憐君自
遣載醪祛惑我誰過猗猗庭有蘭堪佩寂寂門無雀
可羅歸去好尋溪上侶為投纓綬換漁蓑

龜山先生全集 卷之四十二 四 六

安禮以宏詞見勉奉寄

吏部文章世所珍終慙無補費精神浮名膚外增
贅薄宦戈頭寄此身養志吾方同聊曼談書誰復
山賓自憐坐頃二遺矢衰晚那能用楚人

秋晚偶成二首

纖纖晚雨洗秋容
庭樹蕭然策策風
萬籟自鳴翠
外四時長在不言中
坐臨流水襟懷冷
卧對浮雲世慮空
寂寞一廬吾自適
客嘲漫更議揚雄

風飄浙瀝開諸鄰
却掃衡門澗世塵
天氣清明秋意
態夜尤浮動月精神
流年漸覺侵雙髮
生理漫來付

大鈞臨水便同濠濮趣
翛然魚鳥自親人

席上別蔡安禮

予方赴調安禮赴博羅任

故里相看眼暫明
一尊聊此話平生
杜陵蚕被徵官縛
元亮今為世網櫻
長路關山吾北去
春風梅嶺子南征
結鄰一作莫負當時約
早晚滄浪共濯纓

次韻安禮見寄

末俗相看老尚新
交游千里更誰親
蕭條身世聊安分
迂闊行藏懶徇人
宦路競盍關柝吏
勞生誰息利名身
我慙抱甕無機械
幽興惟思水石濱
冬寒兩齒忽覺動
搖因成書懷

未年三十髮先彫歲晚俄驚兩齒搖都為踈慵成計
拙直緣衰病覺形焦連經宿雨重裘冷旋莫藜羹野
興饒擺脫塵樊猶未得不堪回首問漁樵

書懷

駁、塵土久方還直道謀身力愈難靖節每嗟嬰世
網曼郎何意出人間風驚駭浪潛鱗伏竹隱灣磯翠
羽閑好去杖藜穿蠟屐伴雲隨月弄潺湲

汴上聞開月堤

天上行雲曳白衣半衙晴日仕林扉盤花落雁驚還
延啄食飢鳥迹不飛偷羨青錢飄已盡月堤流水瀟

相園征途處、塵隨眼多病長年與世違

陳留書事

烏樞風纜欲飛翔拍岸驚濤挽不前曲浦漲沙仍積
凍疎林斜日自生烟崎嶇道路真堪笑放浪江湖已
判年一枕晝眠無好夢空慙邊老腹便、

予自長沙還植蘭竹於東西軒調官京師逾年

而歸蘭竹皆衰悴感而成詩已卯

柴桑衰晚愛吾廬三徑歸來手自鋤但得叔卿長飽
飯不妨孝若老談書蘭因採佩枝先瘁竹為凌霜葉
自疎留骨廟堂寧曳尾魯門無用祀爰居

和李侔游武夷

濃淡烟鬟半雨一作晴溪光初借晚霞明黿頭湧出

三峰秀三層峯寂天漢融成一鑑清魏王峰頂有天鑿池粉社

有誰藏舊謀賓雲無處問遺聲幔亭寂寞仙何在勾

漏丹砂早晚成

荊州書事二首

江湖泛一虛舟去作人間浪漫游歲晚光陰雲冉

冉畏途風雨日浮一萬鍾信是樊中雉一棹聊同水

上鷗投老壘一作簿書成底事憑誰為種橘千頭

千里瀕江地可毛結廬何必故山椒載醪不過斜川

酌飲水誰同陋巷瓢勿問雞虫閒得失但知鷓鴣各

逍遙黃塵滿眼僧窓靜坐對風花意已消

天寧節

祥開若水射瑤光淑氣先春景自長玉陛風閑飛綵

霞千秋節賜綵綵珠囊雲門羽鶴

儀仙仗天上蟠桃薦壽觴已見晶輝環帝座定應長

照菲為宮傍一星人主壽星也

閑居書事

虛庭幽草翠相環默坐頽然草色間玩意詩書千古

近放懷天地一身閑疎窓風度聊欹枕永巷人稀獨

掩關誰信紅塵隨處淨不論城郭與青山

直舍大風書事寄循道

枕書無寐首空搔萬竅嗒風正怒彌雪意浮空迷遠
日月林梳影見秋毫幽渚所藉惟荒草妙理應須付
濁醪誰念維舟江上客落帆千里壓雲濤

和席季成遊金鑿寺

朱甍碧瓦照孤城杖履翛然野色清
穀捲水風輕漾珠翻荷雨自虧盈
勝遊已覺非人境妙語寧須玉
王英願借金篦聊适目不容幻翳有緜萌

送王克道游三茅廬阜

荆吳相望各天涯千里柴車鹿自隨
解轡定應春盡日及歸直待鶴來時

三茅中峯每歲八月十七日鶴至克道當候見物乃可回

聖賢負負樽中渌日月長為物外遲
若過匡廬訪真隱卧龍菴下有期頤

卧龍菴有劉道人言百歲壽

春日有懷諸友

憑几無聊晝掩扉芬々晴氣減春衣
隔簾相應鶯初語背日連飛鴈北歸
莫逆交游千里別遠來音信兩年
稀追尋舊事成幽夢觸物心行事非

望湖樓晚眺

斜日侵簾上玉鈎簷花飛動錦文浮
湖光寫出千峯

秀天影融成十里秋翠鷗翻風窺淺水片雲隨意入
滄洲留連更待東窓月注目晴空獨倚樓

次韻晁以道 庚寅年出京

誰能載酒尋元亮共寄一作無何作醉鄉便好收身

事農圃不須驚世露文章壺中日月春長在塞上烟
塵客自忙千里同風無遠近未分秦隴與瀟湘

和錢濟明游官園 常州

虛舟觸物本無意看花得句慚非才名園古寺尋春
色不暈勿鄙雙魚鰓是日與濟明遍遊諸平諸木奴
千頭比封戶秋實付與江風催因思萬點愁人處何

似洞庭金作堆蘇子美詩洞庭
洲熟客分金

過吳江

天水相涵翠有餘玻璃萬頃接方壺山浮晷照清如
洗風遠飛帆細欲無漫漫未應甘皂櫂散人終欲傲
江湖維舟况值鱸魚美膾疊銀絲飫腹腴

南歸書事

浪漫人間壓客塵衡門長憶鎖榆枌忘言擬畫輪人
能勤舊遊欲問南歸趣寂寞吾今過子雲

寸碧軒

隱、遙山列畫屏，簷間寸碧與雲平。低回席上遺簪，
露彷彿，牆東翠黛橫。虛景遠，涵千里，色晚暉。仍借一
溪清。春風景物知多少，可稱收身樂此生。

冬早書事

竊真誰為宰，爐鎚榮謝唯。知歲序催臘，日未經梅已。
縱春風高遠，凍先開。愁無潤澤，歸芳樹，獨有餘寒着。
死夢收盡，浮雲天愈淨。夜深猶起望三台。

齒落書懷

身上蕭條事，空齒牙凋落。勝衰翁渴心，尚欠冰凌。
研病骨長思藥力，攻文几倦親。塵土暗斷編，慵理書。

點對南林穩，卧陶公宅枕上，悠揚一榻風。

一八十六

龜山先生全集卷第四十二

詩五

七言絕句

書懷 少作

敝裘千里北風寒
還憶簞歌陋巷安
位重金多若慕
直緣三釜慰親歡

端午日 少作

悠悠南北各天涯
欲望鄉關眼已花
憶得親庭語
應憐遊子未還家

諸宮觀梅寄康侯

歌驅殘臘變春風，只有寒梅作選鋒。莫把疎英輕
雪好，藏清艷。月明中。

勉謝自明

少年力學志須彊，得失由來一夢長。試問邯鄲歌枕
客，人間幾度熟黃梁。

臘月見桃花

脂臉輕勻作艷粧，未應潔白似梅香。天紅不見凌霜
操，讓向春前取次芳。

過蘭溪

紛紛朝市競秋毫，江上霜風正怒號。不問揚塵與

浪翩然東下日千艘

夜雨

似聞疎雨打蓬聲，枕上悠揚夢半醒。明日覺來渾不
記，隔船相語過前汀。

重經烏石舖

夾屋青松翠藹中，去年經此亦匆匆。重來烏石岡頭
路，依舊松聲帶曉風。

江上

寒雲幕幕結秋陰，月淡霜娥冷不禁。更視江波休蕩
漾，莫令清影碎浮金。

淮上獨酌

暮織晚雨洗輕塵天淡雲浮夜色新
賴有麴生風味好不須邀月在三人

吳國華暗香亭

謾愁青女妬新粧已有風傳處處香
試問隱鱗溪上客歌將春色若為藏

虛心亭

山橫鰲背碧巔屹亭對浮筠綠縹緲間
拾遺記蓬萊山有浮筠之幹葉
並蕭散誰為三徑侶祇應長共白雲閑

容照巖

清時投迹在欽峯一穴晴光破晚陰
剝草未容忘魏闕故應長有子牟心

藏春峽

山銜幽徑碧如環一壑風烟自往還
不似武陵流出水殘紅那得到人間

綠陰亭上

吳先生家

沙邊幽鳥傍清漪龍下漁船逆浪歸
身在輞川圖畫裏晴空惟欠雪花飛

病中作

通衢隔轍斷經過門巷空無雀可羅
驅去兒童卧虛

室蕭然惟一病維摩

春波亭上

城頭飛蓋映朝暉向晚遊人與木移安得魯陽酣戰
手為留義馭更遲

安禮以宏詞見勉因成絕句奉寄

萬鍾身外一牛毛斗祿紛紛浸自勞窮酒寧為獮獺
笑未容仰首試鳴號

感事

桀麻腹地想榛荆騎士西來劔戟腥藜藿陋儒心更
鄙但思干羽舞虞廷

藍田溪上

夾籬桃李趁溪斜清流映落花欲問武陵源上
路度雲穿石認胡麻

白公草堂

爐峰暝曉烟輕雲入屏幃一枕清高興自應無世
累獨於妾馬未忘情

久旱

農郊阡陌起黃塵望斷天涯絕點雲踈懶無情訟風
伯幽窓時讀退之文

過七里瀨

拂雲高鴈倚風搏下視平湖萬里寬搔首扁舟又東
去錢塘江上看波瀾

扁舟東下幾時還一席飛帆掉羽翰回首嚴陵臺上
月清風千古逼人寒

勉懷

紛紛於我未忘情疎懶多應捨怨憎便好世間師抑
惠不須巖下問孫登

梭山候潮

十一日潮起信是
日潮小不到

向晚牛羊沙岸歸落帆烟浦候潮時誰言江上須忠
信潮到于今自失期

徐郎廟

古廟靈場枕碧巔松欹依約鎖風烟羽毛一去無消
息隨落人間幾百年

送陳幾叟南歸

三首丙
戊午

連塹東郭倦追尋高卧毗耶老病侵自愧屠龍真拙
技謾令吾子費千金

靈風靈雨濕征裾隔雨樓臺半有無南去定逢韓閣

老歸愚當見問夷塗

是時幾叟過
四明見了翁

幾年夢想到親闈身逐行雲萬里飛若水未殊沂上
樂春風無負舞雩歸

初授餘杭

和陳莖中了齋自警六絕

畫前有易方知易曆上求玄恐未玄白首紛如成底
事盡魚徒自老青編

八荒同宇混車書一視那知更有渠憑拭自慮由砥
道徑蹊無處問歸歎

行藏須信執中難時措應容道屢遷一日全牛無肯
繁駘然投刀用方安

造次欲安嗟孰是參前無物若為書蕭條此意人誰
問與廢由來命也歎

聖門事業學須疆俚耳後來笑折揚詭遇得禽非我

事但知無有是吾鄉

盆科日進幾時休到海方能止衆流只恐達多狂未
欲坐馳還愛鏡中頭

附了翁自警

本無一字堯夫易八一篇揚子玄今古是非那
復辨仲尼尤不廢常編

文章難寫伏羲書字外成篇始見渠賜也缺分可
不可一歌居士只如愚

過時不易始為難執處那知是變遷度盡千山無
鳥迹不勞傳語報平安

手在何憂考力彊巧窮那得必穿楊太和有味人
人飲誰識醒時是醉鄉

仲由行行終身誦師也堂堂帶上書五柳却能知
此意無茲琴上賦歸歎

只說為山不說休山成日夜水橫流惜哉覆篋成
迷復只欠當初一棹頭

閑居書事

輕風拂拂撼孤檉庭戶蕭然一室清隔葉蟬鳴微欲
斷又聞餘韻續殘聲

送席二伊川壻

振衣丈席想多聞高節應能與俗分不用卑飛入
谷定知喬木在青雲

寄游定夫

在穎昌後明道先生

絳帷燕侍每泛容一聽微言萬慮空却愧猶懸三釜
樂未能終此挹清風

蕭條清穎一茅廬魂夢長懷與子俱五里橋西楊柳
路可能鞭馬復來無

含雲寺書事六絕句

獸駭禽鳴翳蔚中難將此意問鴻蒙縈回小徑蒼苔
滑杖履從今恐不通

北山山下一漁翁形解心疑骨已融
支枕睡餘人寂寂一軒明月滿窓風

山前咫尺市朝賒垣屋蕭條似隱家
過客不須攜鼓吹野塘終日有鳴蛙

夾屋青松長數圍午風搖影舞傲
幽禽葉底鳴相應時引一作殘聲過別枝

竹間幽徑草成圍藜杖穿雲翠滌衣
石上坐忘鷲鷲覺晚山前明月伴人歸

蝶夢輕揚一室空夢回誰識此身同
窓前月冷松陰碎一枕溪聲半夜風

荷花

照眼紅雲鬪晚霞重青蓋半傾斜
會須直跨三千仞移取峰頭十丈花

宜春溪

斜小疎柳照清漪藉小殘紅自滿蹊
刺眼藤梢牽不斷歌尋流水路還迷

宜春道上

艷杏天桃日日稀空餘淑氣尚遲遲
誰人為作留春計莫放風花自在飛

過豐城

清江渺渺綠浮天，博物無人繼昔賢。
應有斗間靈氣在，誰能更與斲龍泉。

劉陽五咏

洄淵浩蕩白鷗飛，老懶時來坐釣磯。
岸幘行人聊自遣，不應憔悴似湘縲。
右渭水

簾捲晴空獨倚欄，冥鴻點點有無間。
秋風注目無人會，時與白雲相對閑。
右歸鴻閣

芙蓉彫盡蕙蘭芳，杖屨脩然一曼曼。
即見鶴短長，盡復一作無足問，但知鵬鷄兩相忘。
右飛鷄亭

柔條踈蔓綠交加，烟鎖雲涵去路賒。
繡紱貂纓無處

問空餘雞犬兩三家，
右相公臺

聖童去後水雲閑，陳迹難尋草木間。
獨有微言傳野史，洞天寂寂一作從此在人寰。
右洞陽孫思邈修真所

縣齋書事

簿書投老豈身謀，朱墨紛紛晚即休。
平世功名歸稷禹，一瓢吾欲慕巢由。

一去人間二十年，空餘飛雪上華顛。
清時最有求田樂，未愧陳登榻上眠。

身名於我兩悠悠，形影相忘懶贈酬。
擬把一竿滄海去，漫然清世一虛舟。
一作不應沙上有驚鷗

醴陵丁君洋洋亭

依蒲泳藻兩相忘宛有江湖氣味長
凭檻翛然真得計祇應幽興在濠梁

安西聞捷 三首 呂吉甫持節

鷹揚塞外得非熊萬里金城一箭通
玉帳投壺隨燕豆坐看飛將縛驍戎

將軍新擁節旄閑紫塞雲浮豹尾班
白首邊城休悵望馬蹄未出玉門關

雅歌不待來天馬謝質今應閉玉門
早勒勲名上漢鼎放回春色滿乾坤

出尉氏

隔林殘雪弄輕風日射晴光玉縷紅
桃杏渾如梅欲綻直疑身在故園中

感事

權門車馬日紛紛寂寞多應笑子雲
玄白定知非世尚解嘲那復彊云云

過廬山遇雨

江風吹雨逐人來行過山前首重回
絕頂隔雲看不見石稜崖角獨崔嵬

題詩長老壁

維摩病士意超然邊腹便便但晝眠共說平時忙底
事烹茶煮藥過殘年

東林道上閒步三首

寂寞蓮塘七百秋溪雲庭月兩悠悠我來欲問林間
道萬疊松聲自唱酬

百年陳迹水溶溶尚憶高人寄此中晉代衣冠誰復
在虎溪長有白蓮風

碧眼龐眉老比丘雲根高卧語難酬蕭然丈室無人
問一炷爐峰頂上浮

江上夜行赴荆南道

水壺欹灑接天浮月色雲光寸寸秋

古別鮪云碧色寸寸秋色

不用乘槎厲東海一江星漢擁行舟

過石首謁縣官回有作

壬午十一月

萬事紛紛醉即休無功可作酒泉侯誰能載取千缸

去且向舟中打拍浮

直舍書事

鱗池面水初生萍底青蛙自在鳴誰使幽庭當鼓
吹兩餘時聽作新聲

登峴首阻雨

時白荆雨入京

羊公風績幾經秋獨遶龜蛟為少留欲問荆人尋舊

事一江清泚自東流

江浮雲影抱層欄雲外青山一水間盡日倚闌看不
足杖藜欲去更回還

江風飛雨上雕欄庭樹蕭蕭景自閒向晚微雲遮不
盡好山渾在有無間

庭前古木已經秋天外行雲暝不收倚杖却尋山下
路一川風雨濕征輶

春早

雲天暮暮滿微光踈懶惟添睡思長枕上隔籬聞鳥
語半殘春夢更悠揚

出郊

雲根修蔓綠成陰風雨園林嬾重尋春自去來人不
問碧桃朱李付幽禽

春日五首

春深不見鷓鴣聲百舌時聞自在鳴獨步移床卧深
屋細看新燕巧經營

薔薇正好結花棚擬為幽軒作錦屏窮巷寂寥人未
到空藏春色鎖深齋

一番微雨一番晴淡淡一作春容照眼明庭外幽

自開落飛揚無處覓殘英一作可憐蜂蝶謾多情

晴明百鳥鳴新聲
摧啄幽花折粉英
冷坐隔簾

濕情春無計
若為情一作與忘情

雨餘殘日照窓明
風弄一作行雲點點輕
坐對

一作獨倚春風
人閒寂時聞蛛絲掛虫聲

春曉

雲靄浮空一作雲半雨晴
茅簷未忍掃殘英

物飄零盡只有黃鸝
一兩聲

浮花浪藥自紛紛
點綴梅苔作繡茵
獨有倚闌香

歌可紉幽佩繫餘春

病中作南京

此身如幻病何傷
白日無人景自長
寄傲南窓容膝

地時時飛夢一作清夢到羲皇

過篔簹日晝如燔
睡轉庭陰始一反
縱有諸人來問

疾昆即居士已忘言

寄形一榻日遽然
倚杖支頤髻指天
莫逆過門無子

祀時亦鑑井自躡澣

古椿朝菌已忘年
貧病空須更問天
石彈不妨隨物

化自求鷄炙自應便

病起

竹風帶雨作秋聲
半睡惟聞鳥雀爭
老病衰殘惟骨

立白頭看鏡不須驚

題陳宣事烟波泛宅

忘懷纓紱寄浮居來泛烟波擬釣徒我欲他時請洛
上為君正櫓作鱸鱸

偶成

綠髮潛驚老境催更憐衰晚困低回但知周道平如
砥莫問崔唐灑灑堆

悠揚春夢成幽興冷落溪光醒酒魂天濶雲浮遮不
盡浪平風過杳無痕

右溪上

龜山先生全集卷之四十二終後學官官賢刊

跋

龜山先生文集後語

後學豐城李瑄撰

東南理學倡之有宋者龜山揚先生
倡之我

朝者康齋吳先生二先生之學大畧尚
躬行而寡著述而出處一節則有就

有不就焉余以二先生皆誦法孔子
龜山先生當微欽積弱之時國勢不
振凡在忠臣義士孰無尊主庇國之
心苟可以就當委曲以赴功名之會
此以可而學孔子者也康齋吳先生
當

英廟復辟之初

剛明在御即石亨寵任方隆亦逆知城
狐社鼠終無能為故堅去以全晚節
此以不可而學孔子者也易曰或出
或處二人同心此之謂矣龜山先生
固已從祀孔廟而康齋先生猶然宮
墻外望誠

昭代一缺典也且白沙敬齋二先生俱

龜山先生全集卷之四
康齋先生高弟白沙敦齋以言官興職
祀而康齋先生之祀獨缺焉弗講豈
事固有待歟余嘗謂康齋先生以布
衣興起斯文其精神氣力當不在孟
子下龜山先生之集得行令之刻而
全林令行有省臺之書入者將無意于
康齋先生乎余因跋龜山先生之集

而併及康齋先生之出處以俟夫知
言者

明萬曆十九年歲在辛卯閏二月朔日





